



Broj: 04-44-1-47/19
Sarajevo, 22.06.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ

za period od 07:00 sati 21.06.2019. do 07:00 sati 22.06.2019. godine

Dana 21.06.2019 god. Gorska Služba Spašavanja - stanica Sarajevo dobija poziv od Operativno komunikacijskog centra Kantonalne Uprave Civilne Zaštite da je na Bjelašnici u području Dugog Polja povrijeđeno muško lice, pad sa Quada, u besvjesnom stanju.

U 12,35h po nalogu direktora Kantonalne uprave civilne zaštite prvi tim sa motornim vozilom je krenuo prema mjestu nesreće, u međuvremenu je stupljeno u kontakt sa medicinarom HMP Ilidža, pokupili ih u 12,48h kod Policije na Igmanu i u 13,21h stigli na mjesto nesreće gdje zatičemo direktora Federalne uprave civilne zaštite, te dvojicu planinara PD Zeljeznicar koji su rekli da su oni na mjesto nesreće stigli u 11,40 jer su u tom reonu u to vrijeme vršili markaciju staze za predstojeću Vucko trku, te ga zatekli u besvjesnom stanju. Njih dvojica su odmah započeli sa reanimacijom sve do dolaska GSS Stanice Sarajevo i Hitne pomoći.

Hitna pomoć nastavila sa reanimacijom nakon čega je doktorica proglasila smrt osobe. Lice cca 55 god je imalo posjekotinu na glavi, udarac u glavu u predjelu vratne kicme, te posjekotinu na abdomenu.

Drugi tim GSS-a je u 14,05h došao na lice mjesta sa dodatnom opremom te ostao do samog kraja kada se i vozilo unesrećenog izvlačilo te mjesto nesreće napustili u 18:39h.

Na terenu pored GSS Stanice Sarajevo bili pripadnici Federalne uprave civilne zaštite i GSS Novi Grad te HMP.

U ovoj akciju učestvovalo devet spasilaca sa potrebnom opremom sa dva motorna vozila.



Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su dvije manje intervencije i to: jedna na obezbjeđenju tankovanja goriva na Međunarodnom aerodromu Sarajevo, jedna na gašenju zapaljenog krova napuštenog i devastiranog objekta na Stojčevcu općina Ilidža.

Iz općinskih operativnih centara civilne zaštite i s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 16°C, vlažnost zraka 78%, barometarski pritisak 945,1 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu. Zbog međunarodne moto trke "Hard Enduro" u vremenu od 08 do 18 sati, dolazi do privremenih kratkotrajnih obustava saobraćaja na putnom pravcu Babin do–Šabići (neposredno ispred hotela Bjelašnica).

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
DEŽURNI OPERATIVAC

Salko Zaimović

Dostavljeno:

- Direktor KUCZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1